



Gradsko vijeće Komisija za odlikovanja i općinskih priznanja

Komisija za odlikovanja i gradska priznanja Gradskog vijeća Srebrenik, na osnovu člana 14. Odluke o priznanjima i stimulativnim mjerama Grada Srebrenik („Službeni glasnik Općine Srebrenik“, broj: 3/19 i 5/19), o b j a v l j u j e:

JAVNI POZIV ZA PODNOŠENJE PRIJEDLOGA ZA DODJELU PRIZNANJA I STIMULATIVNIH MJERA GRADA SREBRENİK

I

Povodom 21. juna – Dana Grada Srebrenik 2023. godine objavljuje se Javni poziv za podnošenje prijedloga za dodjelu priznanja i stimulativnih mjera Grada Srebrenik, koje dodjeljuje Gradsko vijeće (Povelja Grada Srebrenik sa srebrenim grbom, Počasni građanin Grada Srebrenik i novčane nagrade) i Gradonačelnik (zahvalnice).

II

Priznanja i stimulativne mjere mogu se dodjeljivati pojedincima, udruženjima, privrednim društvima - preduzećima, ustanovama, mjesnim zajednicama i drugim pravnim i fizičkim licima za postignute uspjehe u radu i djelovanju, kojima se značajno doprinosi razvoju Grada Srebrenik, kao cjeline ili pojedinih njenih dijelova, afirmaciji njenih interesa kao i odavanja počasti i zahvalnosti.

Priznanja se mogu dodjeljivati i stranim državljanima, inostranim i međunarodnim organima i organizacijama i slično.

III

Priznanja koja Grad dodjeljuje su:

1. Povelja Grada Srebrenik sa srebrenim grbom,
2. Počasni građanin Grada Srebrenik i
3. Zahvalnica Grada Srebrenik.

Stimulativne mjere koje se dodjeljuju su:

1. Novčana nagrada Grada Srebrenik.

IV

Kriteriji za dodjelu priznanja i stimulativnih mjera

Priznanje: “Povelja Grada Srebrenik sa srebrenim grbom”, kao najviše gradsko priznanje, može se dodijeliti fizičkom i pravnom licu za naročite zasluge i postignute rezultate u razvoju Grada u oblasti:

- privredne djelatnosti,
- nauke, kulture, prosvjete i sporta,
- odbrane Grada i Bosne i Hercegovine,
- zdravstva i socijalne zaštite,

- lokalne samouprave,
- očuvanja i zaštite životne sredine,
- humanitarnog djelovanja i
- afirmacije i promocije Grada Srebrenik i Bosne i Hercegovine.

Priznanje: **“Počasni građanin”** može se dodijeliti građaninu - državljaninu Bosne i Hercegovine, koji nema prebivalište na području Grada Srebrenik, kao i građaninu - državljaninu druge države odnosno članu međunarodne organizacije:

- za značajan doprinos razvoju privrednog i društvenog života na području Grada Srebrenik i
- za značajan doprinos afirmaciji, ugledu i promociji Grada Srebrenik u Bosni i Hercegovini i svijetu, kao i Bosni i Hercegovine u cjelini.

Zahvalnica se može dodijeliti fizičkim i pravnim licima:

- za doprinos razvoju i promociji Grada u oblasti ekonomije, nauke, obrazovanja, kulture, fizičke kulture i sporta, zdravstva i socijalne zaštite i drugim oblastima od značaja za Grad,
- za uspješno izvršene zadatke postavljene od strane Gradskog vijeća ili Gradonačelnika i
- za objavljene ili općepoznate konkretne uspjehe ili poduhvate značajne za Grad.

Novčana nagrada se dodjeljuje fizičkim licima-pojedincima ili grupi za postignute rezultate u oblasti nauke, obrazovanja, kulture i sporta.

V

Prijedloge i inicijative za dodjelu gradskih priznanja i stimulativnih mjera mogu podnijeti: pojedinci (punoljetni građani), vijećnici Gradskog vijeća, klubovi vijećnika, Gradonačelnik i druga tijela gradske vlasti, pravne osobe (privredna društva, ustanove i sl.), tijela mjesne samouprave, vjerske zajednice, političke stranke, nevladine organizacije, udruženja i drugi subjekti pravnog sistema.

Prijedlozi za dodjelu priznanja i stimulativnih mjera moraju biti podneseni u pisanoj formi, detaljno obrazloženi, dokumentovani sa odgovarajućom i raspoloživom dokumentacijom, sadržati naznačenje i opis djela, uspjeha i slično zbog kojeg se određeno lice – subjekt predlaže, biografske podatke o pojedincu – licu, odnosno o pravnom licu i njegovom poslovanju.

VI

U prijedlogu se navode: podaci o kandidatu (ime, prezime, zanimanje, prebivalište i sl.) i vrsta priznanja odnosno stimulativne mjere za koje se kandidat predlaže.

Pozivamo sve zainteresovane da svoje prijedloge podnesu **u periodu od 12.04.2023. godine (srijeda) do zaključno 26.04.2023. godine (srijeda) do 16 sati**, neposredno na protokol ili putem pošte na adresu:

Grad Srebrenik
 Gradsko vijeće
 Komisija za odlikovanja i gradska priznanja

Ul. Varoških polja b.b.
75350 Srebrenik

Neblagovremeni i nepotpuni prijedlozi, kao i prijedlozi od neovlaštenih podnositelja, neće se uzeti u razmatranje.

Ovaj Javni poziv bit će objavljen na Oglasnoj ploči Grada Srebrenik, lokalnim sredstvima javnog informisanja: Radio Srebrenik i NTV „Jata“ i na zvaničnoj web stranici Grada Srebrenik, a dostavit će se i mjesnim zajednicama radi njegovog objavljivanja na njihovim oglasnim tablama.

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD SREBRENİK
-Gradsko vijeće-

Broj: 01-04-160/23
Srebrenik, 07. 04. 2023. Godine

PREDSJEDNIK KOMISIJE ZA
ODLIKOVANJA I GRADSKA
PRIZNANJA

Mehmed Junuzović